

Aduertencias para

aliqua grauissima necessitate interueniente, inuitante videlicet articulo mortis. Prefertim iuxta presentem Ecclesie statum: in quo fere omnino in desuetudinem abiit, vt Diaconi hoc munere fungantur.

25 ¶ In casu vero quo tanta esset necessitas vt viaticum necessario sit egroto administrandum, & Sacerdos ex malitia Diacono administrandi facultatem denegaret: posset utiq; [presbytero contradicente] Diaconus infirmo Sacramentum administrare. Quia presentia Sacerdotis sua potestate abutentis, ac si nulla esset, reputanda est, & recurrendum ad voluntatem interpretatiuam superioris Episcopi, aut Papæ, seu ad ius commune: vel certè si necesse sit ad Christi Domini voluntatem, qui in eo casu censetur dedisse huiusmodi facultatem. Ita docent contra Siluestrum Magister Soro & Doctor Xuarez, & noster Emanuel. i. Tom. qq. regul. q. 66. art. 8. vide supra. num. 17

26 ¶ Cum autem Sixtus. 4. & Leo. 10. concesserint Monialibus Sanctæ Claræ, earumque Abbatissis, & Monasterijs, & Monialibus Cõceptionis sub cura Fratrum Minorum viuentibus omnia priuilegia & indulta quæ concessa sunt Fratribus Minoribus, ac eorum Præ-

latis